



सानसेयारि 'बड'सा' खरीरालाइयाव  
समाज्यादि जिउजो लोखा थाबाय रायथाय, खन्थाय,  
सल', सल'बाथा आरो दावबायारि थावनि, पार्क  
बाइदिनि स्यायाव लिन्नाय लिन्बिबां बैथाय ठर!  
सानसेयारि 'बड'सा' खरीरालाइया सेबरानाबै  
फोखावगोन।  
बड'सायाव लिन्ठरनायनि दुबा खलाम,  
'बड'सा' खरी नौथां, जो बयबो आंगो खलाम।  
सानसेयारि बड'सा मावखुलि  
माइवं नोगोर, जोहोलाव देमालु लामा  
कक्राझार, बिटिसि-783370  
Website: www.bodosanewspaper.com

BODOSA ★ A Bodo News Daily ★ Saturday ★ 10 August, 2024 Kokrajhar, BTC, Assam ★ Vol.- 34, Issue No.136 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

## सोलोंथाइ बिफान आरो फिसा-फिसा फालांगिरिफोरखौ लानानै केबिनेट जथुम्मायाव गोनांथार थांखि आजावदों

### दर 16 गामिफोरखौ बिटिआरआव सोसनबावसिगोन: गिबि मन्थि

गुवाहाटी, 9 आगस्ट: गिबि मन्थि  
ड० हिमन्त विश्व शर्मानि  
दैन्याय दिने आसाम सरकारनि  
मोनसे केबिनेट जथुम जानानै  
थाडे। दिनैनि बे केबिनेट जथुमनि  
गेजेरजों माखासे गोनांथार थांखि  
नाजावनायखौ नुनो मोन्दों। जखयै  
सोलोंथाइ बिफान आरो फिसा  
फिसा फालांगिरिफोरनि थाखाय  
दिनेनि केबिनेट जथुमआव



गोनांथार थांखि आजावनाय जादों।  
केबिनेट जथुमनि उनाव  
थांखिफोरखौ गिबि मन्थि ड०  
हिमन्त विश्व शर्माआ खौरां  
बिजोनि सिगाडव फोरमायथिदों।  
गिबि मन्थि ड० शर्माआ  
फोरमायनाय बायदिब्ला, गोदानै  
मोन 16 गामिफोरखौ बिटिआरआव  
सोसनफानाय जा आरो दर 3  
(□ 5 बिलाइआव)

### अशख शर्माआ बिजेपिखौ नागारनानै कंग्रेसआव हाब्बाय



नलबारि, 9 आगस्ट: बिजेपिनि गसैखौबो नागारनानै 9 आगस्ट  
शुक्रवारआव नलबारिनि बार' एमएलए आरो आरएसएसनि दैनैनिगिरि  
बिजेपिनि गामि दैनैनिगिरि अशक शर्माआ कंग्रेसआव हाब्बाय। नलबारिनि  
राजिव भवनआव प्रदेश कंग्रेसआ बाब्बायनाय गेदेर दोलोआव हाबनाय  
हाबाफारियाव गोबां अन्जिमानि हेफाजाबिगिरिफोरखौ लानानै अशक  
शर्माआ दिने कंग्रेस दोलोआव हाबो। बे दोलोआव हाबनाय हाबाफारियाव  
प्रदेश कंग्रेसनि आफादगिरि भुपेन (□ 5 बिलाइआव)

### बांलादेशनि आधिखालिनि राजखांथिनि अलखद आरो धोरामारि नारसिन्थाइआ बिटिसिआव जाहाथे गोहोम खोख्लैआ बेनि थाखाय गिबि मन्थिनिमिम बन्सुआ गोसोखालाइ गथायदों

कक्राझार, 9 आगस्ट:  
बांलादेशनि राजखांथिनि  
अलखद आरो धोरामारि  
नारसिन्थाइआ आसाम एबा  
बिटिसिआव जाहाथे जेबो रोखोमनि  
गोहो खोख्लैआ बेनि सायाव गोखों  
नोजोर होनानै दिने बर' माहारियायि  
फरायसा आफाद सुंद 'बन्सु'आ  
मुलुगानांआरि थागिबि जनजाति  
साननि समाव जिल्ला बेंगिरिनि  
गेजेरजों गिबि मन्थिनिमिम  
गोसोखालाइ दैथायहरो। फरायसा  
आफाद दैथाय हरनाय  
गोसोखालाइनि गेजेरजों 6थि  
फारिलाइआव थानाय आसामनि  
जनजातिफोरखौ जर'खा रेखाथि



होनाय जादोंबलाबो बांलादेशिफोरा  
हाबफैयोब्ला माखासे जानो हाथाव  
खैफोदफोरनि सोमोन्दै  
फोरमायनाय जादों। खुंथाइ

सामलायनायाव गोहोम गोल्लै  
हागौ। हा आरो सम्पतिफोरनि  
सायाव जे'ना नुजानो हागौ।  
(□ 5 बिलाइआव)

## राइज्यो बेंगिरि लक्ष्मन प्रसाद आचार्यआ 'बिमानि मुंआव फांसे बिफां' हाबाफारियाव बाहागो लादों

गुवाहाटी, 9 आगस्ट: हादतनि  
गाहाइ मन्थि नरेन्द्र मदिआ  
जागायजेन्नाय 'बिमानि मुंआव  
फांसे बिफां' स्ल 'गाननि हाबाफारि  
बायदिदै आसामनि राइज्यो बेंगिरि  
लक्ष्मन प्रसाद आचार्यआवो  
गाबनि बिमानि गोसोखोथियाव राज  
भवननि केम्पासआव फांसे बिफां  
फुलि गायनायखौ नुनो मोन्दों।  
मिथिगानि सोमखोर नुथाइखो  
बांहोनाय आरो सुबुं महैर मिथिगानि  
सायाव मावनो गोनां बिबाननि  
बाहागो महैर गाहाइ मन्थिनि  
जागायजेन्नाय हाबाफारिखौ



उनसनानै बिमाखौ गोसोखाना फांसे  
बिफां फुलि गायनाय जाबाय होना  
राइज्यो बेंगिरिआ गाबनि  
बिबुथियाव फोरमायदों। राइज्यो  
बेंगिरिआ साफोमबो हादतनि  
नोगोरिफोरखौनो गाव-गाबनि  
बिमाखौ मान होनानै आरो  
गोसोखानानै बिमानि मुंआव फांसे  
बिफां गायनानै मुलुगखौ अरायवो  
सोमखोर गोथां खालामनायाव  
(□ 5 बिलाइआव)

### एबसु आरो नेटिभार्स इनस्टिटुट अफ बड'लजिआ खामानि मावलांनो थांखि आजावदों

कक्राझार, 9 आगस्ट: दुलाराय  
बर' फरायसा आफाद आरो  
नेटिभार्स इनस्टिटुट अफ  
बड'लजि (NIB) आ जथायै  
सावरायलायनायनि गेजेरजों  
माखासे हाबा मावनो थाखाय  
मोनसे गोनांथार Memorandum of Understanding  
(MoU) बानायनानै लानाय  
जायो। MoU आव माखासे  
Scope 'फोरखौ नोजोर होनाय  
जादों, बेफोर Scope फोर जादों  
फरिथि- Joint educational  
ventures, Exchange of  
researchers and staff,  
Sharing of research fa-  
cilities and resources,



Joint publication of  
research findings and  
other literature, Orga-  
nization of joint semi-  
nars, workshops and  
conferences, Ex-  
change of academic  
materials and informa-  
tion. बे हाबाफारियाव दुलाराय

बर' फरायसा आफादनिफराय  
आफादगिरि दिपेन बर', लोको  
आफादगिरि खोरामदाव औवारी,  
गाहाइ नेहाथारि खनिन्द्र बसुमतारि  
आरो मावथि बिबानगिरिफोरा  
बाहागो लायो। लोकोसे नेटिभार्स  
इनस्टिटुट अफ बड'लजिनिफराय  
नेहाथारि ड० बिहुं ब्रह्मआ बाहागो  
लायो। □

आसाम सरकार  
फरायसालि सोलोंथाइ बिफान

## फै आवगायबोनि आरो शिक्षा सप्ताहयाव बाहागो लानि सुबुं समाज बाहागो लानायनि सान

11 आगस्ट 2024

बिद्यान्जली हाबाफारिनि गेजेरजों फरायसालिफोराव मोनसे ओंथि गोनां दाजाबथाय  
लाबोनो आरो गोगो सोलोंथाइनि थाखाय जुथायै हेफाजाबनि हारिमु दानि

**आसामआ बिद्यान्जली 2.0 हाबाफारिनि सिडाव रेजिस्ट्रेसन  
अलन्टियार गाहाइ राइज्योफोरनि गेजेराव दरसे**

आसामनि नोगोरिफोरखौ बिद्यान्जली पर्टेलआव गावसोरखौ  
मावसोम हान्जा महैर रेजिस्टार खालामनानै सुबुं समाजनि बाहागो  
लानाय सान फालिनो आरो बेसादफोरनि बिथिडाव अन्सुंथाइ होनो  
एबा फरायसालिफोराव सिबिथाइ होनो खावलायनाय

नोंथानि रादाय होनाया थारैनो गोबांनि थाखाय सोलोंथाइयारि अबहावाखौ सोलाय होनो हागौ

बिद्यान्जली पर्टेलआव रेजिस्ट्रेसननि थाखाय..

- लिंकआव थां <https://vidyanjali.education.gov.in/volunteer-register>
- नोंथाइ पिएमइउ बिद्यान्जलीयाव फोनांजाबनो हागोन
- एबा किउआर कडखौ स्केन खालाम

समग्रा शिक्षा, आसाम, काहिलिपारा, गुवाहाटी-781019

ड० हिमन्त विश्व शर्मा  
आसामनि गिबि मन्थि













